



XXX

CERTAME DE CREACIÓN ARTÍSTICA / LLITERARIA EN LLINGUA ASTURIANA

47 Selmana de les Lletres Asturianas

Por cuenta de la celebración de la **47 Selmana de les Lletres Asturianas** la Consejería d'Educación en xunto cola Consejería de Cultura, Política Llingüística y Deporte convoca el **XXX CERTAME DE CREACIÓN ARTÍSTICA / LLITERARIA** pa escolinos y escolines d'Educación Infantil y Primaria, y alumnos y alumnas d'Educación Secundaria y Bachilleratu, d'alcuerdu con estes bases:

PRIMERA.- Pue participar tol alumnáu de **3, 4 y 5 años** d'Educación Infantil a 2.º Cursu de Bachilleratu.

SEGUNDA.- Los escolinos y escolines d'Educación Infantil de 3, 4 y 5 años han participar con un **dibuxu o trabayu gráficu** inspiráu na vida o obra de T'aresa Cónsul, -primera daramaturga asturiana conocida- o col papel de la muyer como autora o protagonista teatral.

Los escolinos y escolines **d'Educación Primaria** han participar con un **microrrellatu** d'un llargor máximu de 150 palabres y los **d'ESO/Bachilleratu** con un **microrrellatu** d'un llargor máximu de 200 palabres, en dambos casos inspiraos na vida o obra de Teresa Cónsul o del papel de la muyer en el mundu del teatru

Los microrrellatos puen llevar una ilustración, viñeta o cómic asociáu.

Van aceptase les modificaciones y adaptaciones necesaries nel conteníu o formatu de les obres presentaes, xustificaes pol o pola docente responsable, nel casu d'alumnáu con **NEAE**.

TERCERA.- Tolos trabayos presentaos han tar escritos en llingua asturiana y tienen que ser inéditos.

CUARTA.- Van dase un reconocimientu por caún de los cursos establecíos. El xuráu va poder otorgar accésits. **Los trabayos colectivos sedrán reconocidos con un reconocimientu únicu al grupu.**

- Na categoría de **3, 4 y 5 años d'Educación Infantil** va haber **un reconocimientu** por cursu pa los trabayos de creación artística.
- Nes categoríes **d'Educación Primaria, Secundaria y Bachilleratu** va haber **un**



Principáu
d'Asturies

reconocimientu por caún de los cursos establecíos: de primer a sestu cursu d'Educación Primaria; de primer a quartu cursu d'ESO; y pa primer y segundu cursu de Bachilleratu.

QUINTA.- Los trabayos orixinales han unviase per corréu postal a les señes d'embaxo. La inscripción faise esclusivamente de forma **dixital** dende una cuenta institucional @educastur, nel enllaz apurríu.

- Na inscripción tien de xubise un archivu Excel (.xlsx) o tabla Word (.doc) colos **nomes de los y les autores** de los trabayos presentaos.
- Pol so calter y pa la so valoración más axeitada, cada **trabayu orixinal** ha unviase pol o pola docente o'l centru, **ESCLUSIVAMENTE DE FORMA FÍSICA per corréu postal** a les señes consignaes embaxo. Nel casu de ser una producción artística dixital, ha incluyise grabada nun llápiz de memoria nel unviu postal.

SESTA.- El plazu de presentación acaba a les 23:59 hores del **vienres 27 de marzu del 2026**.

SÉPTIMA.- El xuráu va tar formáu por persones averaes al mundu de la lliteratura, les artes plástiques y la educación. El fallu del xuráu va facese nel marcu de les conmemoraciones de la **47 Selmana de les Lletres Asturianes** na forma que s'estableza nel so momentu.

OCTAVA.- La participación nel certame supón tar d'alcuerdu coles bases establecíes. Al fallu del xuráu nun se pue retrucar.

[INSCRIPCIÓN CERTÁMENES 47 SELMANA DE LES LLETRES/INSCRIPCIÓN CERTAMES 47 SEMANA DAS LLETTRAS](#)

INFORMACIÓN y UNVIOS POSTALES:

Certámenes de la 47 Selmana de les Lletres Asturianes
SERVICIU D'ORDENACIÓN ACADÉMICA Y EVALUACIÓN EDUCATIVA, CONSEYERÍA
D'EDUCACIÓN
Plaza d'España, 5, 4ª planta, 33007 Uviéu.
Tfnu. 985 105500, est. 13656
llinguastur@educastur.org